

沅
湘
耆
舊
集

沅湘耆舊集卷第一百二十六

新化鄧顯鶴湘臯編輯

長沙毛國翰青垣校訂

陶封公必銓 六十八首

必銓字士升號黃江安化人優廩生以子文毅公
澍貴封翰林院編修累贈兵部尙書兩江總督
祀鄉賢著有黃江詩存古文粹等書先生跼蹐名
場以經學教授生徒性奇偉刻苦自厲家貧甚嘗
拾薪擷茗芽自給而好學不倦見義必爲近村有
虎患爲文牒土神七日而虎遯鄰有屋病祟或乞
文咒之竟無患文見黃江古文粹集中又嘗慨邑

人科第不振用形家言獨力募建石塔於邑城南
以培學宮塔成而安化科名繼起其他事多類此
先生治經有聲於書無不窺詩稿爲人竊去文毅
官給事中巡視南漕時余適客揚州因就其所掇
拾者屬爲校訂鋟板卽今所行荊江詩存是也余
輯荊江舊集選其詩爲一卷集經文毅刊行分
爲二卷益以諸作蓋全稿在是矣今仍刪爲一卷
入茲集亦足以傳矣文毅爲國名臣孰知文章勲
業皆承庭誥猶文忠兄弟之本於老泉哉礪東題
先生遺集云今日神人途路隔摩挲簡牘有餘獻
輯其詩不禁爲之流連太息也

秦小峴司寇瀛陶
府君墓誌銘序云

君幼穎悟受經旁及于史多所流覽既長補博士
弟子員敘授里中益肆力於儒先傳注手握丹黃
夜以繼日閉戶靜經一時推重顧試於有司俛得
復失志不獲營先後學使者姚侍講頤錢通政禮
皆奇其文惟嫌於岸舉優行而巳君雖不遇門弟
子從之者日衆得所故褒獎多蜚聲以去又能教其
子發名成業而君家謂不尚於遭矣自古勤學勵
采藜藿以佐食不可餓不得一遇且不得於已者
行之士往往槁項黃馘不遇於已或身先土壤不及
見其子之遇有如君不遇於已而克見其子之遇
顧年甫逾艾遽以病卒其可幸也夫其可感也夫
法梧門祭酒式善黃江詩存序云先生宗廟大夫
而師少陵嘗手注兩集數易其稿朱墨燦然其詩
澄泓演繹有以得乎性情之正唐陶山方伯仲完
云莫江先生遺集余與鄧湘皋校閱付梓其詩有
建安風骨而兼子美退之長吉義山之勝

擬謝惠連秋懷詩

白露漑高枝涼飈振枯槁塞空雁影橫啼破秋聲老醪醑

登朱顏慷慨據懷抱雲雨巴山峽臺榭江陵道楚王帶山
邱結構豈不好交疏與綺窗荒煙漫秋草吳趨動會吟華
豔摘才藻至今文章伯日月懸蒼昊迢迢千古心立身固
宜早蘭蕙秋可佩蓴鱸秋可飽至人貴自我精心事幽討
日暮倚閭門一輪江月皓

和孟東野旅次湘沅有懷靈均原韻

東野昔遠來宿宿瀟湘途楚水碧天淨佇望意踟躕百年
悲世事七尺戀微軀誰歎忘其身忠者故應懃緬惟懷襄
時荆郢仰鉅儒服奇佩薜蘿行芳阻崎嶇苦節昭然存直
誠良可模傾葵日向陽烈女自殉夫凝霜猶被草涼風猶
振枯艱哉志士心羞與佞爲徒美人兮不聰忱悃莫之輸

致令懷沙人永與流水俱死者亦何憾志氣迫獨殊隨波
慨流俗百變終不渝所以千載士行吟天南隅曠覽欽其
風憑弔豈區區蘭茝溢騷憾忠魄應不孤歎息漢王傳賦
鵬才未敷自古心同然愴懷寧但吾明良會有期何弗展
壯圖

秋杪陪會晴峯張平溪兩學師暨諸友登新塔

梅城三里南筆山雄地軸塔勢聳其顛高標跨原陸前年
月嘉平詢謀僉穆卜鑿石隙嵯峨兩載督畚築崎嶇行積
甃枝撐傍交木杪秋始落成差足慰幽獨屢次怯攀躋無
由極縱目安得羽翼生高飛出幽谷今朝趁晚霽彈冠慶
新沐孔步謹追隨雁行競徵逐秋容漸蕭爽連綿仰層麓

飛鳥入平林蒸嵐照山腹清霜喜刻轢城郭露鱗屋壯哉
聖人居講堂森肅肅熊耳西浮青紫雲山亦晚覆芙蓉出
數岫點點秀可掬北望茱萸江驚湍走如驚奔流似有情
朝宗識海濱回首仰天闕象緯逼閃倏華蓋蔚天星端拱
山龍服四輔抱其樞兩營員爾輔嗟爾太乙神然黎侍披
讀嗟爾斗魁前天府星惟六第六竟何司爾實稱司祿祖
跣叫帝閭欲選巫咸祝如何祿籍中高源邈星宿颯然長
風來突湧青雲翻闔闔九重開雷電挾威福有如鼓長鯨
特起滄溟伏感茲意粹然冥冥識於穆嶙峋下磴道殷勤
同往復思惟贊苾芬斐然裁繭幅

懷嚴樂園徵君

長嘯激西風浩歌向天地星斗亘光芒東西森位次我友
嚴夫子意氣無一世篤古慕黃農論才鄙叔季力能恢山
川窮崖走魍魎匹馬萬衆中拔趙立漢幟觀其懷抱開乾
坤入億寐欲於草莽中大闢儒生事長揖入軍門降階迎
大帥指揮失蕭曹縱擊凌鷹鷂南山數千里蕩平無險詖
鐘鼎勒勲庸旂常書姓字不因豪傑興豈不在立志尙懷
經麓歸維舟村酒醉賦詩寫素懷曾拜瓊瑤賜

附錄漢南感舊集詩二首小庵別陶士升先生資
樹風蕭蕭資水清瀏瀏鼓稚從茲去寸心亦何有
故人情繾綣送我古渡口珍茲片時歡行行更攜
手未忍遽言別且斟小庵酒推蓬同一醉物微意
良厚慷慨視吳鉤唾壺歌且扣丈夫重意氣疏狂
任衆詬艘師不可留歡言豈得久江臯兩屏營欲
去更回首柔艣聲軋軋風檣如馬走重來訪淵明
門前記五柳感懷陶士升先生湛湛資江水淡淡

神山煙此中有佳士獨鼓朱絲絃淳古絕時累漁
獵勤丹鉛風格青玉案文字嶽池蓮兩原歲遊學
金蘭結前緣鶯花道林寺風雨小淹綿改錯資山
石投贈屢錦篇懷奇森欲吐將衰志彌堅壘魁槐
市彥綽約芙蓉仙斯人
竟終古斯道更誰肩

懷湘曲

斑竹千條蓋湘水長共湘雲依帝子不令海若舞馮夷爲
和薰曲吹參差蠻娘情惜調楚弄君山縹緲風爲送幽情
遙寄洞簫中春花秋月蒼梧濃

湘中懷古四首

楚有屈子漢有賈千古何人繼風雅離魂收拾葬江魚湘
浦無端沉弔書當時稚子恣訕誚不道洛陽亦年少吁嗟
異代一般愁鬱鬱柑園滿樹秋

射蛟臺下春波綠射蛟臺上晴嵐覆晉世衣冠事已陳湘
江偉績猶麟麟我來臺畔問年華寸寸光陰晨鼓擣齋頭
百錢風和雨四十二年功莫補

作客年年唐杜甫蜀江一夜過湘浦銅官渚畔杯方殘花
石戍邊聲更楚但慼白酒啖牛飢不見長安見明月豈知
誠感雲開衡獨起陽山起江陵

鵬舉由來一萃耳一朝聲震湘江水陰風慘澹吹旌旗直
將雪恥殲羶羆十二金牌恣鬼蜮魏公胡爲復默默不聞
直諫窮南行尙有山僧列炬迎

過賈長沙故宅

長沙太傅渺何處湘江一帶寒煙霧柑林鬱鬱萬人家濯

錦坊前秋一樹當年吳公稱治平洛陽年少蒙殊遇雲車
風馬起蒼龍茂才蒸蒸日上皇路宣室自結賢主知絳灌何
人逢彼怒遂令痛哭不永年黯黯湘雲斜日暮寂寞空庭
千載餘鵬鳥無復來前除肝膽盡攄向天地尙有治安一
卷書願翦井中千尺水秋風嫋嫋湘波起

道鄉臺懷古

道鄉之臺何森爽萋萋芳草青春長開廊架下蔚山腰千
里長江望如掌自來使節軫車開征鞍馴息恣游賞先生
有道被南山太守奚爲絕依仗湘江更闌雙槩盪列炬輝
煌照銀榜非關逐客效秦皇鸞栖故在孤桐上春寒治遊
未幾時人非老大焉傷悲短髮東風牽醉眼鼠須殊費惜

春辭止志肯遭盛時賤浮生虛負皇天慈
願得山僧酒獨倚高臺自咏詩

新秋寄劉石峯卽以爲壽用昌黎酬廬雲夫韻

殘暑初退晴空靄仰見玉宇一鏡涵浮邱高跨洞庭野曉
望髣髴壽岳巉石峯先生今奇士被服早歲衫儒衫若使
當事能一顧騏驥豈復羈重銜下帷講學廿餘載幡然束
篋手白絨一經傳業肯堂構濯懼春月柳初芟藜光照書
有所付獨自頤養修山巖先生固是我所畏胸次更異時
酸鹹日同毛生來過我煎燭話酒語喃喃自云我昨年六
十不受眾祝免譏讟壽我受者惟子耳但率質直毋雕剗
我聞此語彌起敬內反實愧人倫鑒翻思古稱大手筆歌

詠功敘真食饒矧如先生高世義羣飲和氣感至誠長哦
七言爲君壽愧我才薄辭穢穢

二月晦大雪

陽春二三月草木齊作花楊花欲落桐花發鳴鳩乳燕相
參差濛濛大雪潛入夜銀枝玉葉紛交加摧枯拉朽事則
已森森萬木多欹斜我時睹此爲太息瘠土之民苦蒔植
高田藝黍濕藝禾藍爲茜兮桑爲織近年風雨無愆期第
黎稍稍弛筋力春來穀貴復傷民煮菜作羹茶作食卽今
林樹爲改柯豈有橡栗充兒饜縣官縱復拙催科吁嗟成
雍猶干戈

楚大飢行

江沱漢沔鳴哀鴻羣飛啞啞鳥雌雄紛紛稻粱謀稱意飢
鷹疾隼乘狂風連年雲土夢未父槃瓠上庸交烽燧良民
輸挽力已疲轉使貧民嗟穀貴老弱餽糜壯給錢令尹非
無救荒計無何攻剽嘯姦徒邾人樹幟羅人繼遂令窮村
突不黔庚癸徒呼嗟已憊昨聞首惡已囚俘三木坐梏無
完膚爾曹鼠輩敢負隅促局縣尹如轅駒不信得臣能執
法鞭貫豷復穀於菟況今榛莽甫澄淨肯教南服成萑苻
吁嗟吾楚材所毓澧蘭沉芷芳風馥中行獨復庶幾能好
勇疾貧亦其族

性孫爲余扇上畫荷花賦此贈之

昔者晉衛協吳曹興當風出水各擅能阿戎何處得其秘

筆氣髣髴春雲蒸顧我絀弱齷齪絲咽住之不肯紛塗抹須
臾變幻南塘秋一朵橫斜瓣芳裂此花久辱泥塗間大葉
如蓋小如錢欲放未放彌可憐徘徊念此心茫然名花至
竟誰君子今之畫者毋乃是墨光黯淡姿峻嶒更有龍蛇
騰腕底東山賭墅舊風流雙妙誰堪一陣收芙蓉搖動裁
詩就拍肩笑傲凌滄洲

東軒集句

寂寂蓬蒿徑山齋護舊居苔文翻古篆松竹助元虛刺股
情方勵閒緘思有餘身心塵外遠高枕乃吾廬

始宿明倫堂

肅肅彝倫地翻令百感俱深簷舞蝙蝠古瓦竄鼯鼯鑿石

經營急櫓雲氣象殊囊中苦羞澀何以盡區區自注時方督修城南

石塔寄宿於此

憶幼子潛

念爾年猶小終朝應我思虛吟曲臺記誰賦角弓詩雨過花光燦雲開日影遲勉旃惟此意或以副予期

壬子春洞崖兄院試獲雋五叔父攜之歸自長沙適季父之喪亦自鄖西至一夕同泊益陽江口銓時館桃花江得兄書云已令四姪走報諸昆矣悲喜交集賦此志感

數載關心切今朝慰眼初兩帆歸路繁千里泊舟徐骨肉精神合存亡涕淚餘柴門應鵲噪書到獨躊躇

登石峯山尋魏仙女栖真處

山峭石爲骨茲峯生亂霞樹深飛怪鳥藤古曳脩蛇雲氣
空中接江聲足底譁古庵芳草冷何處問仙家

游石陂溪

久作幽尋想今朝蠟屐行白雲巖下路黃葉樹間聲峽壁
飛秋雨山深漏午晴何時架茅屋高臥一身輕

重遊浮邱山四首

我昔遊名勝三年憶上方依稀認樵路蒼翠帶山光木杪
清風發秋分午日涼再遊忘遠近已是白雲鄉
寺木齊梁古庭餘松竹幽琪花常二月瓊宇半三洲騷客
曾摘藻高情獨倚樓蒼苔記前事惆悵幾經秋

釋子偏蒙與餐留玉屑罪青黃脆龍耳膩粉雪黎祈簾上
花猶暈風前葉欲飛坡陀夕陽裏酒力漸稀微

沅江舟中

小艇乘流駛桃花水上行湖連雙岸濶天遠一峯晴歲月
風塵老江潭性命輕空嗟髀肉滿况近蜀王城

長沙秋夜聞雁書示舅澍京師

良夜月初墮雁聲驚客眠幾行楚天字一縷勸門煙戍鼓
三更後蛩吟四壁前鄉關兩何在推枕意茫然

先慈辰日二首

奔走終年故里違空將血淚灑征衣埽墳遺憾三春雨陟
祀頻傷寸草暉幾日幽魂應徙倚今朝季子復來歸淒涼

麥飯松楸老薦寢嘗新事已非

三十餘年罹鞠凶彌留遺訓意虛濃雪深偷得羊腸路雨
霽填成馬鬣封春酒未曾勤介壽黃泉無計可尋蹤不堪
酸楚人間世立斷斜陽百尺松

客歸來

年年浪迹滯江隈嶽雨湘雲酒一杯落魄不堪聞楚瑟懷
人只自賦燕臺鹿場町睡蠟蛸胷松徑婆娑薜荔開最是
繞階諸稚子歡呼狂走客歸來

二月二十七夜

去歲離家意惘然擔簦襆被又今年晨昏屢拭他鄉淚風
雨頻仍二月天案擁詩書城欲壞衾寒翡翠帳仍懸最慘

幼子忘長別白背孤燈枕手眠

同曾筠齋上舍潤琴觀刈

驚聞農事輟稷鞋枷板腰鎌處處皆手捲黃雲歸蔀屋戶
輸白露入牙脾白注農人各持牙牌爲籌隴頭流水聲猶韻郵表清陰
景更佳樂歲故應傾濁酒與君席地一開懷

山齋漫興

蕭蕭風雨夜如何纈眼頻揩按細磨收豕自慚高弟子擁
爐空笑病維摩詩篇不合追唐律樂府何由學漢歌傍曉
東風侵短鬢始憐白髮老蹉跎

乙卯九月益陽送澍歸里

行盡青山一短亭短亭遶遠又山青纔思縮地壺公術又

乞揚帆水伯靈章服卽今新氣象儒巾自昔舊門庭不堪
縫線三春淚暗向吾兒滿袖零

丁巳初度偶成

屏麓簾開曉氣清薰風一榻晝橫琴杜鵑聲裏成華髮蕉
葉叢中得夙心鸞掖文章原有價槐庭雨露亦新陰東山
此日醜顏甚醉倚魚龍出碧潯

留別任巨川

蘭佩荷裳薜荔衣依依景物念當歸驚心野店風林靜薄
暮征途霜葉稀此去應牛陳迹陽和期社燕往來飛濁醪
一醉仍前事財覆傳花願莫違

庚子日作示男澍

鐘鼓譙樓急響停
轅門燈火散繁星
倉皇旅邸泥金字
展轉街頭賣佛經
十載螢窗酬翰墨
一時鴻漸向朝廷
須看千古登科記
幾箇勲名煥汗青

周家園西偏一淵
阻於坡陀舊架木
以渡易圯而不便
於騎行里人伐石
剡蘚拓而新之紀
以四詩

隴頭流水漢時歌
太息征車幾度過
春漲一泓新綠鴨
雨沈沿岸長青螺
深深虹影愁無限
滑滑鳩聲喚若何
往事臨流問王濟
不須錦障費摩挲

行人一路載青旂
偏仄無如此地偏
豎亥步難隨鼓記
五丁梯合與天連
漸看朱雀驥斜日
已見蒼龍臥翠煙
驅馬渡時頻攬轡
含情猶憶古昇仙

裴相當門石徑橫風亭水榭際昇平吹簫明月人如玉欹
枕垂楊酒欲醒蛟渚血痕傳晉代罽梁旗纛憶周京襄陽
舊事風流在詩思從教灞岸清

羅公挂杖葉師虹未必行旌萬里通能事已堪平地險諸
君真有濟川功可憐羈旅霜華重不盡征途雪影融記不
少陵悵歸路魚龍狼狽浣花東

寄呈綏寧大令李香畬力穀先生

桃李栽培化雨濃春官鏡下映芙蓉鳳毛敢說超宗有驥
足先看伯樂逢白注庚申鄉試男煙靄西清閨夜索風和

長樂聽晨鐘層樓得挾干霄勢回首難忘第一重

亦曾方丈擬乘輶幾度神山隔海濤白注庚申銓珠玉有

卷蒙薦未售

按劍文章無力枉操刀淒涼夜雨三條燭爛漫春風
五色毫老驥未應甘伏櫪敢從長坂怨官槽

甲子暮春同王平字及其門人重遊啟寧寺卽用兒
子澍去年題壁韻

春風何處轉倉庚問訊東橋一院清傍砌苔仍侵舊雨隔
簾花亦弄初晴會畱好句供仙佛更有新詞付俊英檢點
明年題塔會應將佳話續韋生

黎春園歸自粵西喜賦一律

曾從蜀道說魚鱸千里鄉關客味諳山水柳州歸勝覽虞
衡桂海入勤探皇風久治荒蠻徼碩畫新參古子男今
日湘江初洗硯不將甲乙數樊南

舟中卽事

幾年多病臥山中試放扁舟興不同兩岸秋搖醅醪酒一
帆晴泛荻蘆風虛名頗悔屠龍誤夙志難消老驥雄回首
資江無限綠何時閒理釣魚筒

樾孫善篆刻書以相勗

沙上籠鶯舊有名吾宗手敏更心靈收來媧石鐫周鼓袖
得昆刀續漢經飛鳥出林殊有勢驚蛇出草妙無形誰云
篆刻雕蟲事珍重霜鋒在發硎

新化道中

料峭雲邊石徑荒籃輿彳亍兩兒忙滿林楓葉闌霜盡數
頃麥苗侵露長漠漠人煙浮遠嶂濛濛鳥道出斜陽客程

只在寒山外，蹋破梅花一段香。

嶽麓雜詠八首

桃塢烘霞

春花及春媚，滿目朝霞被。門前蹊已成，未是秦人避。

曲澗鳴泉

空山自流泉，響漱聲玉欲引灌。南塘不妨環道曲。

柳塘煙曉

楊柳絲亂垂，銀塘青未了。依依曲澗邊，鐘鼓一聲曉。

風荷晚香

淺水擎高蓋，薰風度晚涼。興來傾榼對，不是麝頭香。

桐陰別徑

會除蓋地皮并斬穿籬刺龍門種自多百尺在能植

碧沼觀魚

朝昏碧沼邊熟看魚兒戲煙裏翡翠羣飛集亦相媚

花墩坐月

不作茅亭好天空羅幕開晚來明鏡裏隨意坐青苔

竹林冬翠

勁節終成直虛心故耐寒殘冬無別况風月倚千竿

春夜

寂寂春深夜莊生夢未成無端溪澗水澈曉斷腸聲

贈客

恰恰鶯鶯鶯憐君亦弟兄風前無限柳一路故人情

小憩梅子嶺二首

梅嶼虛傳萼綠華
相如消渴病方賒
藍橋杏酪人何在
獨立東風日欲斜

非關齒酢實心酸
素服新妝盡舊歡
樹底勞人耽醉夢
啁翠羽故無端

感舊三首

衰楊舊院雨濛濛
畫閣西偏曲檻東
春事已隨流水去
不堪回首問花叢

記否西軒弄晚晴
閒從苔徑數殘英
牽衣喚酒知何處
腸斷三郎羯鼓聲

一錯鎔金鑄不成
殘燈相同淚縱橫
殷勤記取題詩處
四

壁蕭條蟲亂鳴

男澍北上之次日口占四首

笑道吾兒原似女
膝前片刻未相違
今朝趁得蹇修去
應插金花滿鬢歸

長江煙霧未全收
離思紛如不繫舟
怪底燈花開昨夜
兒

從夢裏問蘆溝

自注夢中澍向取趙子昂蘆溝風雨送別圖

鼙鼓沉沉夜已闌
幾回春夢繞江干
起看破浪長風緊
日色平分紙帳寒

轉眼庭前樂事多
一聲春暖聽鶯歌
平安屢報詩書進
老拙凝情慰若何

贈從孫澹

竟日局關養性靈不將世事枉勞形
鵬頭香篆風簾細清露花間注易經

癸亥暮春同王平宇均暨兒子澍遊城東啟寧寺

奔走頻年白髮多軟紅塵裏歎消磨
偶然散步清涼地一段春風釀太和

沅湘耆舊集卷第一百二十七

新化鄧顯鶴湘阜編輯

長沙毛國翰青垣校訂

嚴布政如燬

六十七首

如燬字炳文號樂園一號蘇亭潯浦人乾隆己酉

優貢生嘉慶改元薦舉孝廉方正 廷試草平定

三省亂民事宜疏

睿廟親擢第一 召見垂

詢外省吏治甚悉命以知縣往陝西効力歷官洵

陽知縣定遠廳潼關廳同知漢中府知府在漢中

最久

今上踐祚擢任陝安兵備道加按察使

銜補授貴州按察使調陝西按察使卒贈布政使

入祀名宦鄉賢先生性豪俠自爲諸生時卽好談
兵以海內承平日久武備廢弛慨然懷傅介子班
定遠之略嘉慶元二開黔楚用兵上平苗議十二
策陰結大小章犵頭目質子十九人與共臥起
卒賴其力復乾州通黔楚路苗疆底定其力居多
在陝二十餘年平定南山教匪因與戎事相終始
遂以其閒繕城垣立堡砦浚濠溝築隄堰教耕織
崇學校教養兼施恩威並用邊境肅然至條陳屯
田水利建置邊疆文武營廳熟思審處規畫詳盡
厥功尤偉所著有苗防洋防三省邊防備覽蘇亭
集漢南集漢南感舊集漢臺詠史蘇亭樂府樂園

文集諸書先生慕范文正公之爲人取先憂後樂
語自號樂園樂園之號最著蓋名實爲不誣云諸
體詩僕老沈雄不加琬琢如其爲人其漢南紀事
諸作真摯悱惻直不減次山春陵行也余家距先
生里居不遠少聞其平苗策而壯之拙作感事詩
中所云布衣慷慨有張翹意謂此也故嘗以並世
同里未得一面爲憾今特錄其集中關係甚大之
作爲一卷餘枉所畧文翁名父旣戡禍亂又有文

章真竹帛光也豈僅爲鄉里榮哉

秦小峴侍郎瀛

愛元道州曾賦春陵詩誦君愍農作三復重齋咨
秦中昔用兵士女多化離亂後苦旱蝗疇庶力更
疲所貴司牧者辛勤撫瘡痍道路集流亡耕墾乘
天時是爲衆人母哺民如哺兒奈何玩民瘼徒事

征敘爲困乏不之恤督責用撈筭君眞次山流觸
目爲涕淚俯念下民苦仰答皇天慈補苴竭心血
俾克免阻饑仁愛出至性譜作瓊瑤詞其他富篇
什高言絕等夷雲山發韶護大雅庶未衰仰願書
百木一振
聲與癡

仙花洞避暑

山行汗流泚蒸鬱不可語谷口豁洞天悠然思憩處香泉
滌塵襟涼颺散煩暑叢深嘒竹雞花落竄松鼠何須渡弱
水此閒卽島嶼長生未敢言幽棲心所許

從軍行

昔對金門策太息治安篇公卿虛前席共推賈生賢南山
盛盜賊民命迫倒懸澄清亦有志叱馭乃竟前

驅車潯沱河西出井陘道炎天灼赤日草木爲枯槁遙聞

太白祠靈湫其祈禱征輸甘泥滓雲霓胡不早

十日長安居手版謁上官借箸非所望禮數猶能寬妖氛
纏雲棧腥血霑煙轡才拙慚小吏何以濟時難

軍符連日下星言速征騶鳳嶺雲連棧天險古漢南訛言
慄我僕鳴鏑更九探慷慨向前去危險余所諳

人髓黃狐吮人腹蒼鷹啄磊磊戰骨白當道研車轂隴蜀

道路通萬寵列林谷壯哉草橋戰殺賊最神速

自注經略
額勒登布

公勦伍金柱於草橋
殺賊萬餘棧道遂通

崎嶇至白馬堅壁揚高旌兵法笑衛尉刁斗夜不鳴武侯
能治國街亭失亦輕千載出師表討賊見忠誠

階文又金州道路五千里赤眉不相值千羣空武士膏雨

今郇伯豆區惠閭里王師本無戰壯士爾徒死

辛苦饒鳳嶺賊東兵已西枯江一聲渡商雒震鼓聲簡書

良可畏彈効及梁鵲何當語王師忍待桃成蹊

小者結寨柵大者築堡城十百聯爲一比里室家甯糗餽

銛鈎戟隴畝安耕耘此語吾非妄古之民皆兵

奉命之南鄉經始褒與西寒風正獵獵冰雪足重繭以暇

習步伐棋檣被畦畝果然小戎詩女子羞怯悞

鐵騎合十萬推轂得元良丹心惟殺賊視民真如傷已操

制勝本猛銳况莫當天生戡禍亂羣盜敢荒唐自注謂經略額侯

一舉埽荆豫再舉清雍梁軍鋒之所至凜凜生青霜將軍

信神武水火拔黔蒼白頭賢李相功業同汾陽自注謂參贊德侯

結髮數百戰，弱也健，絕倫威名破賊膽。一代之虎臣，推誠

收羣策，雅歌類儒巾。令名能長保，圖像看麒麟。自注：楊提督遇害。

侍臣金張貴，領軍擁朱旆。徒步入林箐，溽暑未張蓋。臣勞

不敢言，籌議能見大。豪傑爲時生，勲名乘事會。自注：賽將軍冲阿。

憶昨燎原初，遍地蒼鴟掠。血戰微盤屋，長驅昏河洛。先軫

蒙虎皮，千騎坐受縛。長星墜洋川，哀淚灑江閣。自注：王提軍盤屋之

役用藤牌軍破齊王氏馬隊，自是賊不敢至平原西鄉，民甚德之。陣亡於西鄉之洋川。

連營列節鉞，殺賊多以舌。誰奮昂藏軀，深入虎狼穴。將軍

誓報國，絕險縛其傑。何須待死綏，英風已奇絕。自注：穆提軍。

丹雞盟興元，並馬走天水。照人有肝膽，功名亦自喜。幾輩

爛羊頭，彈鋏憤豪士。主將不知兵，慟爲周處死。自注：汪司馬荃江州。

之役都統某下聽其策並歿於陣

倚角固邊邑畸人起獲落如何猿鶴悲坐令一箇弱父老

泣遭愛將帥懷雄略海堧煙冥冥九原思汝作

自注黃縣尹哀

南山古陸海耕作半流人擾之而爲賊禍患相仍頻千里

天府地安危仗大臣但能擇守令黃巾皆良民

妖星去年落鼠穴一時清小醜何足數歲登百室盈願戒

兵猶火相期政皆平帕首韡刀者本來一書生

憫農詞

崑崙終南山八載戰鬪場戾氣之所鍾爲疫爲旱蝗凝陰
不能散黑蜨躍重岡廉纖秋繼夏無麥無稻梁哀民何
辜頻遭此凶荒蕨根與野菜不能撐飢腸婦子聚相泣賣

屋典衣裳青蚨持盈貫千里素無糧空腹鳴嗝嗝面削肢
體僵忍死懷帝力未敢兵弄績走也職司牧立視慚牛
羊轉積千鍾粟先事聊預防車薪覆杯水續命難爲湯矧
乃犬牙錯鎮北西安康化離乃更甚肉骨甯有方府牒昨
夜下捧讀淚流滂使君今元結吏忍分界疆益空泣巧婦
告糴亦古常補苴嘔心血中夜起徬徨所望歲大有早熟
祝穹蒼天心本仁愛劫數語荒唐爾民果淳樸自能返吉
祥我吏勤而慎亦可消咎殃精誠之所感揮戈回太陽買
粟分微祿果腹雜粃糠安在殷憂後而無盈甯慶仰看雲
霧淨春和時雨暘

諭農詞

民生在勤儉山農愚不知凶荒實可畏聽我諭農詞南山
古陸海地腴五種宜上農不須糞收穫多逢時豐年荷天
錫菽麥長離離種一收屢百堆積如梁茨則輕國賦少荒
墾佃租微以此輕嘉穀往往生淫思燒鍋滿村落成羣酣
酒卮社火與影戲徹夜事遊嬉或者呼盧梟一擲判家貲
又或爭牙角百金搆訟辭甚至飼猪豕蒸穀望速肥天物
恣暴殄召殃大何疑况乃山土薄石骨本嶮巖三年爲沃
壤五載已地皮雨暘偶失節顆粒難預期平川人飽食山
民馮阻饑東鄰絕朝糗西家斷暮炊厥根野蒿菜青汁流
泥匙餽貸向親友同病攢雙眉空腹不能耐鬻賣及妻兒
迴思歲方富肥甘供朶頤何知邁此閔柴立骨難支先民

崇淳樸儉者福之基文王西方伯田功服還卑舉趾四之
口穡事孰敢遲男耕婦女饁胼胝不言疲倉箱雖盈積服
食無敢糜餘三至餘九旱潦能撐持有豐必有嗇當安常
念危爾不勤與儉酸辛更怨誰我軫爾民苦我憐爾民癡
編此鄙俚語警誡比農師從此移情俗共躋唐魏詩

勸穡詞

去年苦霖雨連塗頽嗟峨艱食憫赤子匹馬徂巖阿青青
原上麥沿澗盈坡陀含苞吐芳穗蒸曬藉陽和層陰氣慘
冽根莖生病疴山農對於邑村落罷秧歌長吏實不德召
災生坎壈一身敢自惜柰此民命何九關號上帝赫斯殛
羣魔杲杲出紅日照煦長嘉禾何以承天德永矢政不苛

夏耘詞

火雲燒紅口溪礪翻沸湯徙倚柳陰下招風解衣襦卻顧
杖藜老僂僂田中央脊背曬漆黑手足交蹶張我與老翁
語憊矣待陰涼老翁前致詞穡事官未詳亂苗惡生莠不
去田蕪荒拔根期害絕暴之趁朝陽芄芄非易致甯辭汗
流滂官但苦炎熱暑節本其常但能秋有穫炎熱固相忘
我憫老翁苦聞言重徬徨作苦田家事拮据望登場新穀
五月賣幾人隔歲糧豪家飫珍錯墨吏賸膏粱詎知樽中
酒炙脂盈其旁詎知甌中飯汗血粒粒藏炎威爾不知冰
水調華堂胡不當烈日赤腳行農莊

下鄉決訟諭民詞

山民質敦樸風俗本來淳自從蕩搖後良莠雜齊民流徙
無根蒂葭莩盡姻親越畔怒咫尺負債憤杪分鬪狠肢甘
廢逞忿日怒瞋潑油詢地主開花連族鄰班長齒牙利捧
檄雷火奔半途拘野店保鋪羈城關口岸錢屢貫草輓費
幾緡牌懸伺質訊高衙聽鼓振青天蓋一尺轆葛斷難遵
兩造混黑白曲直誰爲申羈久賸皮骨息狀投中人虛誣
不敢坐自首咎有因無辜坐受累抱屈那得伸可憐供魚
肉一案十家貧無訟古所難化理慚守臣鉤鉅京兆知此
術未易陳安能更延宕愁苦任吟呻當衙語訟者抱牘且
歸耘四境吾庭院匝月再周巡林陰足憩息寺廟亦安身
芻豢彙先具供給不煩勤按轡周村落團練成一軍外以

捍寇盜以息紛紜邪慝未易除爬搜不嫌煩商自安爾
市農自服爾畛階下擁兒童案頭環耆紳快爾雪冤意慰
我求瘼殷我聞刻木吏對之尙稱神又聞搖金舌聽之不
厭諄此邦周南舊穢德貴能新免置武夫化喬木貞女純
匪譏勉相戒王道共遵循自注山民土習質樸不輕構訟
成訟端訟師唆之互控不休凡訟師株連人有打破油簍
詢地主之語及山民稱差役爲班長藉案牽累曰開花奉
差誤人多押途中至城中又另羈保鋪官常不知差役詞
論其食保舖中爲口岸錢差役至訟家索資曰草鞋錢鋪
堂挂牌皆訟常現山民訟提上堂輒稱一尺青天蓋尺地
訟久不决兩敗俱傷取息而散山民嘗言官司沒有打路
姑寬免究時下鄉團練諭以四鄉每月各五日就近理詞
訟示八字條約外拒流寇內除自殺

華陽吟

壬申秋續修郡志成既繪華陽黑河二圖爲之說因念
二地實爲關南奧區木鐵各厥僑寓棚民日益繁夥未
雨之綢繆不可緩也定遠之巴山亦復相類其安危則
更與四川其之迺取其風土作華陽黑河巴山三吟

梁州號天險華陽書所紀分治有長官洋川一隅耳其北
阻辛滂南襟天漢水尾灤頭駱谷蟠紆七百里中開盛鑿
我峯巒聳峙太白旣天齊終南復雲委衆壑分瓜蔓疊
嶂簇蓮蕊山壑所融結恢奇而譎詭羊腸盤蛇徑峻削不
容趾古木雲蒼蒼豐草露漙漙老林荒初闢披荊除葛藟
鬚髯駭攫牙角悚虎兕地利日以開百萬僑流徙青桐
肥摘簞叢篁厥煮紙秦嶺都督河板房厚畛子木客盛徒

衆夥願繁食指本來謀溫飽背負聽驅使樹大生萌孽器
多雜窳砮陰巖積層雪午天窺寸晷地主貪蠅頭里甲相
阿唯我聞興勢屯成樓鱗次比扼要守山口重關得憑恃
又聞貞元蹕閒道實由此旌旗繁灌木烽燧明壁壘灑谷
清涼川千羣迎虎士褒斜屐閣道畱鳳角相倚子午經五
卽高荷鳥斯跂桑土慎綢繆多備甯所訾此中頗空曠馬
腹鞭難撻衆阻憶疇昔設罪戾狂豕狡焉伏窟穴壯士爲
捐髀固國不以險懷憂自笑杞八萬蒸大化柔遠况在邇
訐謏思二都繡錯分疆理卽山氣葱葱詰屈平如砥

黑河吟

沮源導紫柏池荷屈上游迤邐鞍橋口奔騰紅椿溝繚曲

往而復山斷水仍流林泉灑百道龍穴滙幾湫淵潯涵煦
望黝黯異清瀏磷磷堆頑石湍激不容舟菜嶺九台子嵐
光東南浮太陽時西北黑松環白樓叢叢鳳興沔磅礴三
雒州跨越徽兩當仇池當上頭四望幾由旬連峯玉筍抽
盤折青泥路十步九延休腳底雲潰湧眼前刺紛稠嶺呀
嵌洞窅涼風夏颼颼幽篁巢螻蟻古幹蟠螭虬棚居雜吳
語板屋半楚咻氣寒地磽确稻黍種不收苦蕎紅洋芋清
風望有秋以此僑徙人不盡力田疇鐵蹠排光化礦石紅
於樵斧斤縱棧壩材木堆山丘徙匠累千百升斗各爲謀
共望老林荒此地爲黔婁工停無他業頗同懸贅癩地有
犬牙錯盜難越境鉤往者伏榛莽數載勞爬搜吟呻病爲

患暝眩疾始瘳勒馬經三度木鐸徇以道老吠幸漸靜村
落不鳴桴松柏不易兌五馬不能聞鳴琴譚治理牖戶切
綢繆安得衰盾日常此照陰幽

巴山吟

巴江曲成字巴山高極天連蜺八百里半蜀半秦邊奇峯
望突兀複嶂走迴邇千章森古木鬱鬱屯蒼煙參井逼象
緯四月雪花鮮其友走巴達魚鳧舊井塵雪泡按羅嶺團
城一碗泉羣峯兒孫列鉅者隨以肩蒙茸虎狼穴陰翳觴
鷗翻晒旗與拴馬閒道父老傳西寇昔竄突鴟賊亦狂癩
往來皆取徑漁肚妖被纏撻伐勤褒鄂懸嚴樹戎旃蟻封
田驥足爬屢屢年年趙趙額威勇區畫壯猷宣班城分符

竹百雉金湯堅瓦石拊脊背高柵樹層巔威聲壯絕徼村
落高枕眠花明紅羊峽雲淨星子前此山太阻奧十戶九
流遷壤別誦周雅輔車懷古賢戶扉既嚴鍵藩籬應密編
秦中星碁布雄鎮金梁聯三巴扼蜀吭閭夔路幾千林大
地空濶山深路幽偏守望仗鄰好潰川虞滴涓王公慎設
險君子防未然

棚民歎

終南古陸海千里望蒼茫板屋幾土著結棚滿山梁扶老
攜群弱鴉結無完裳晝炊支礁石夜宿依空桑遠從楚黔
蜀來墾老林荒先來佃招佃籽種借雜糧數椽架茅屋四
壁繚茨牆衝寒砍棘樹夜燒連叢篁雨水纔過節偃僂揮

鋤忙春深挑野菜續命糲米湯指望收成好滿篝歌穰穰
誰知山地薄塗泥壤非黃年深葉成土一年肥於肪三載
五載後磽确銛刀鏹况復近歲來低山盡村莊溝畝無餘
土但賸老青岡欹崖巖崩劣枯樹汁癭瘍高寒積陰祲庚
伏怯寒涼玉黍兩三尺蕎麥一尺長愁霖七八月山裂嫩
瓜瓢土痕刮條條巖聲滾碾碾釜甑半罄蕤營購重周章
蕎落黍花萎青風不陞漿磊磊紫芋蒸饒當餒餒籽種
不能穀債借幾時償辛苦開老林荒畝仍無望故園歸未
得遷地果非良鳩鵲對形狀惻然爲心傷地勢本如此豐
歉甯能長鴻雁嗷中澤遷徙亦古常畝全有沃土山中豈
樂鄉所幸宜五種食不止稻梁慶豐聖人世山隰殊雨陽

勤儉天所福，部屋積素囊，但能勞筋力，饘粥充飢腸。五方處錯雜，慎勿爲莠稂。我聞項司馬，驅之猛虎狼。又聞原都憲，安之成保障。驅除吾何忍，又安謀難賊。才微慚民牧，中夜起彷徨。

木廠詠

岐豐治西伯，道通化斯行。作屏詠周雅，伐木聲丁丁。終南勢蜿蜒，接連太白橫。千里蔚蒼翠，參天灌木繁。名材挺杉栗，松柏冬青青。採之利民用，販運遍兩京。鉅者作梁棟，細亦供爨爨。商人厚貲本，坐籌操奇贏。當家司會計，領岸度工程。書辦紀簿冊，包頭夥弟兄。森森連抱材，縱斧牽以繩。天車輓坡嶺，天橋渡澗坑。背板力任重，強健驟爲名。積聚

待漲發水腳。趙溪泓猴柴堆谷口。塞我排木城。一厥羣工。備大者千百。弁以漸開而進。約束似行營。西通棧壩。與東接商。郇陘工徒半流。徒億萬。倚以生前。年生萌蘖。不逞。潢弄兵扼吭。仗健將元惡。戮鯢鯨。民利詎能禁。患生亦可矜。開採資商本。實賴時屢亨。糧賤生計易。坐貪歲功成。商利大於母工。徒聚如蟲旱。潦事難定。豐歉倏變更。一年食已貴。再歲遂難撐。斗粟值千錢。商絀工亦停。紛紛食力傭。何自洪使令。况復牛山美。光濯乃常情。雖云老林僻。壤地還可耕。詎知採運時。一木百人轟。蟠根地。尋丈種穀能幾莖。高寒贖磽确。五種異郊塍。曲突苦無計。上座屢舉觥。安危邊亦腹。撫馭誰其能。綢繆謀。應預稽。防慮貴精天作太王。

荒岨矣路平平祥和慶

盛世屢豐卽永甯

自注俗稱富家領岸書

包頭均木廠小夥名色廠中背板健夫號某騾子運木過山用天車過澗坑用天橋皆架木爲之又木料積山中俟山漲大發始能放往歲岐鄆蓋厓廠徒因停工滋事總兵災延剛領兵徑趨厚畛子巢穴縛首逆萬五故迅速完事

鐵廠詠

史公載平準大書桑孔事上佐軍國需資賴鹽鐵利爨釜
耕以刀厥功同陶埴古聖前民用貨惡人地棄南山宮坤
維金精靈氣積處處與鼓鑄民命亦所寄當其開採時頗
與蜀黔異紅山鑿礦石硨磲小坡歸黑山儲薪炭縱橫排
雁翅洪鑪兩三丈傑然立肩鬣風箱推連宵燭天紅光熾
高匠看火色渣傾液流地銚板堆如屋范模成農器黑澆
黃花川家具頗堅緻鎚鍊工良苦鑄鎔資不易老林連坡

陀匠作採取恣柰此旦旦伐年來賸山翠一厥指屨子人
皆不耕食蚩蚩無業氓力作飽朝饁上天不愛寶助我
太平治豈無逋逃猾雌伏屏息豈無透漏奸黠禁嚴關
吏地利有時盡生計以樵悴乃知宏羊法病國非爲義

修復各堰渠示父老

神禹治溝洫耕鑿歌堯鄉鄭白二渠濬關中稱富強漢南
天下脊形勝扼井疆自古用武地轉輸濟雍梁膏沃千萬
頃稻田水泱泱內以足民食外以裕軍糧美利懷創始蕭
鄼曹平陽武侯繼修治宣撫爲參詳導源皆太白灤湑烏
龍江渠身隨地勢洞澈依田莊工役分棍段蓄洩有舊章
規隨手畫一小變卽召殃二千餘年來士女飽壺漿幸逢

重熙世人物樂繁昌民盈川楚山墾老林荒翻動龍
蛇窟犁鋤快截肪夏秋盛霖雨碎割裂層岡沙石擁而下
河身高於堂大田苗植槁官吏屢憂惶時勢雖遷易人力
貴能匡或稍移渠道或更高曲防冷廉沙溢養工微謀易
臧山河迫谷口開港辟急瀧褒南齊宣力安瀾得永慶楊
填勢紛拏三七分城澤岸波旣撞擊山漲更雷礮移渠改
攔河事頗費權量五門尤隳頽東流日湯湯河攔千丈險
隄築十里長沙浮根難穩地低流易狂竹絙多於麻石圍
大如倉連年勞民力區畫計無良綢繆迫時日搶護脫衣
襁馳驅幾晨夕心竭參軍楊老成仗蒙貢勤勞依吳庠張
陳諸士族急公力助勸灌漑幸無誤高廩起村場補苴紆

日前善後尚傍徨祇錢輸水利催呼日擾攘堰長小甲兒
 莫祇肥已囊衝激河難定東西變滄桑莫開激旁地額田
 數有常不啟洞口板下游稼無傷涓涓虞有害濟濟自成
 祥規模定前哲余知漫更張守先人無怨和衷天降康殷
 勤語父老銘勒永毋忘自注漢南九邑堰渠數百道灌田
 百餘萬畝始於鄴侯轉巴粟注軍
 諸葛武侯吳武安兄弟規畫中原相繼修治山河大堰引
 龍江水楊頃堰五門堰引渭水河水共溉田千餘萬畝近
 年水漲衝隄歲有搶修之役巡撫董公教增飭經歷楊名
 颺管理勞最著其地士民蒙蘭生陳鴻訓吳鏡皆與有力
 經略大臣威勇公額勒登布

天文明上將妖氛靖檣櫓麒麟圖第一汗馬勲無雙關東
 挺豪傑執戟侍未央驍騰本天授懷抱尤非常初從阿相
 國屢佐福郡王撫宮度絕塞鹿耳飄重洋李廣明必中吳

漢意差強桓桓征蠻長威聲震鬼方中阻壺頭險形勢頗
蒼黃和衷協明鄂兵氣勵戎行元惡吳並石折首探諸囊
黃巾倏蜂起荆益擾角梁流毒及巴漢終南穴豺狼名城
難堅守健將多郎當詭譎流爲計鼠突勢鴟張戰驅脅從
衆走鼠老林荒尾追虛報捷師老寇彌狂賊梳兵加飽搜
搜空窖藏金洋耶夔閬野哭遍逃亡帝憫黔首困授鉞
股肱良觴觴李僕射旌旗氣飛揚堂堂岳節使號令重山
岡折箸誅無赦獻馘訊必詳令嚴士致死截賊快如肪壁
壘明北落河鼓伐磬根高馬楊苟伍次第血霜鉉神武無
遺策諮諏察微茫廣採芻蕘議寨堡築彭彭土石蔽血肉
婦孺鼓聲鏗壁堅心有甲野清粟在倉駭鱗困列鼎殘雪

沃沸湯刀指斷虺毒肉骨起餓疋已資褒鄂力更用潁渤
長勞勞悃悃吏磊落布嚴疆森森戈鋌地青青麻與桑負
弩迎前驅虎帳承恩光河清比一笑霽顏許益昌屢薦未
覲面犒師只軍糧讜言能虛受訓詞吐成章廉勇耿好時
信義岑武陽壯猷書國史豐功紀太常村翁走伏臘江西
遍祠堂

參贊大臣繼勇公

德楞泰

參虎天大將左肩次中央服黃騰驥足兩驂實雁行桓桓
繼勇公威勇齊上襄驃姚銳戰鬪勲名亞平陽都護烏斯
藏樓船赤嵌鄉征蠻開幕府隼旆躡羊腸肅清巖門道深
搗笏向荒罪酋殲柳空凱歌簪竹郎移師趨川楚猛銳更

莫當長材閃紫電幽谷飛青霜妖婦磔唐餐長樗斬姚張
徐樊紛鼠竄車轂研螳螂唐哉嘉陵役壯烈最煌煌玩寇
撤重戍軍謀實不臧狂寇乘閒隙虔劉及錦江捲旆馳精
騎飛渡不搖艤攔頭由間道苦戰奮神槍呼聲動天地殺
氣生旛幢霆轟青犢靡風急紅旗颺川西十六邑時雨降
淋浪百萬戶歌佛叢祠遍蒸嘗三省烽煙淨至飲鎬京觴
詎意東井側芒角又天狼鋒鏑賸餘孽怙亂勢猖狂柴關
鷲小挫屠戮慘華洋視師重元老先驅有髯楊威聲震蟻
垤羣醜敢荒唐角崩乞餘命伏道號投降此賊非烏合禍
心久包藏連營伏篝火動息戒蕭牆坦中釋狐兔權計縱
補王黨散于闐外分隊血鋒鏖縱擒皆大畧溫肅兩無傷

至今風凜凜其懷武趙趙賤子諸侯客墨綬綰巖疆團練
固吾圉多壘慚保障竄獸弋羅目姓名登薦章封非不遺
棄厥田寬租糧才微過矜寵箋字褒賢良綺筵飫珍饌別
館遺蒸羊古人重意氣一飯不能忘况乃伯陽願一代之
棟梁九原思隨會感激涕泗滂自注公收王蒲之降換防
塞外旋復謀逆松浦相公
盡
蠶之

述祖篇

誰言窮鄉不足紀此中亦有天下士義陵城郭隣五溪吾
祖磊落奇男子當時幃幄立功名卻曾泥塗視金紫人生
軒昂在天壤何必姓名載青史楚黔中閒阻萬山纏紅裹
赤粉翠澹土木禍成朝紐解冥冥氛祲昏蛇關手蟠長桿

機毒矢坐草伏符遂凶頑害生豈有燕頤相慷慨志在安
邊壤一編舊會熟陰符虎嶮縱橫談抵掌督府動色跟前
席聚米山川指朗朗最是千古安邊策以苗平苗策無兩
香爐斗絕愁猿採一炬奇計傾穴巢火老精夫盡瓦解都
勻千里稱樂郊武穆水賊攻水賊公能彷彿用其策克茲
鬼方輪不曳射隼高墉一發獲當時幕府推功高酬庸晉
秩夏官曹貪榮旨寵世豈少畫幢高齋意氣豪臣爲地方
除害耳奮身豈貪一官美勲勞之際古難處自昔幾人解
言此功成真乃不受賞翩然長揖歸田里紫荆之山其嶠
岫宜陽之溪其清泚雲孫帖畢慚經生文弱那能振家聲
硯田區區作生計芸窗朝夕依管城昨來江上擊煙艣斜

日蕭蕭照環堵嗟老歎卑雖未敢志氣無乃羞我祖光陰
石火何匆匆草木榮枯隨雨風竟須從此焚書案一枝長
戟六鈞弓

案先生八世祖名秀明正統時黔苗不靖以諸生
應募上書言以王師攻苗不若以苗攻苗督師方
瑛用其策攻破苗壘皆遂定都勻等處授兵科給
事中不就歸值歲荒出私穀振鄉里全活甚衆
寨堡行有序

數年來賊匪交錯洵地村鎮蕭條遺民聞風聲鶴唳倉
皇四竄現奉檄修寨堡週巡四境諭民依險措寨稍
平首挑濠作堡堅壁清野此後庶免蕩搖之患矣作寨
堡行以勸之

蹴于紛川東青犢突上庸竄伏終南窺隴右巴閬金梁烽

火紅纍纍丁壯縛相隨選鋒相值前驅馳攫取窖藏掠牲
畜飽食酣歌兵反飢蒼鵝飛飛散還聚元戎苦戰氣未衰
廟堂昨建制勝策肅清原野堅戰壁去冬奉檄南渡洋嵯
峨新壘築千百陽山幾載寇作巢骸拋棄遍原阜敗垣
頽屋無人住可憐井甕生蓬蒿綰符牒然邑民主附循無
術慙守土勝算邊徼先完聚高處結寨低處堡揮鉞作堡
堡外濠大者中藏數百戶零星相聚據峻嶒樹柵累石奠
余侮揀度爾自爲身家築削官還催鼙鼓屹屹崇墉嚴連
城堡中約束聽分明戰守事宜分長副連堡總長責非輕
要隘卡倫遠瞭望寇來轟然傳礮聲聞驚人畜齊收保壯
士千耦磨劍橫傍林依巖張旗幟碁布星羅形勢成更有

叮嚀爾須記崎嶇軍糈供不易賊來道梗防委棄于橐于囊預儲積軍至糧糗輸營門士飽馬騰快羣帥憑依汝旣奠爾居驍騎殺賊勁有餘人無可裹糧無掠窮寇勢同釜底魚聚而殲旃語非妄勗哉父老慎勿疏

團練行

有序

寨堡旣成激勵寨民互相團練以戰以耕作團練行官兵追賊賊如虎爬山伏簣無覓處鄉勇擊城賊同死翻窖搜藏絕粒黍汝民苦賊又苦勇胡不團練自固團耐勞習險皆汝能一鼓作氣成義旅團練有方汝須知十人小旗百大旗小旗十人書姓字旗長大旗聽指使擊鼓敲金作號令種獲餘暇習戰技家家防獸有烏鎗百步取人捷

無比練成十發九不虛掣電轟雷賊披靡賊來尾截莫攔
頭攔頭兩傷決刃才截尾林谷伏精銳伺其落後奮擒搜
前團縛賊後團又狡兔投羅鷹在韝搏虎山中兄和弟殺
賊陣上父同子掉運手足捍頭面聯成鄉黨作脣齒論賞
功先能捉生乘勝追勿過十里一團千家饒千兵幾團合
操壯威聲到處魚鳥龍蛇陣聞風窺伺不敢生昨日元戎
捷書過巫郎穴巢次第清洗兵卽看馳露布耕田鑿井樂
昇平

教織歌

嗟汝山中民稻梁還易謀尺絲與寸布艱難資下遊無衣
亦無褐慄慄畏及秋教織聽我作鄉語村村都有婦和女

男子東作勤耕田婦女也要事機杼不須誇綾羅那能穿
草楮村前村後肥土畚處處好種木棉花山棉花緊鑿湖
地只要辛勤紡作紗繞籬栽藍草藍花染布好淺作月藍
深揚青一樣顏色生華藻新女裙與履衣汝夫並子裝成
體面何楚楚省得青蚨買城市山中巖柏花梨香作就紡
車更機杼分給里正作模樣殷勤還教紡織方蓬蓬白雲
花滿地彈絮抽條次第記踏車引送有身勢經梳緯梭要
細意四到心眼同手足女紅耐勞莫遊戲汝不見天孫有
星名織女終日也要成七襄又不聞天子宫裏后妃貴春
天飼蠶還親桑描繡刺鳳到無用只要軋軋之聲徧村鄉
阿母今年六十五夜織四轉譙樓鼓手爪正好操年少健

婦持家非小補但思獵獵風霜砭肌骨長夜自能忘疲苦
和陶雲汀觀察渝州官鹽減價引暢販散次季壽大
令用坡公韻見寄之作

火井白鹽藏於鹵十妻不算醺射虎自摧桑孔成利藪
生往往叢怨府走險如鶩陸橫刀巴東艤船聞擊鼓淡食
病民滯病引奸蠹甯能膏鎖斧鮑聰來旬百猷新仁風扇
布車隨雨官鹽值貴私梟生指陳大府語縷縷減價一紙
頒台教閭里歡呼蘇疾苦販徒千萬散爲農曲突徙薪不
足數漢上往年引招商當車之螳奮臂股中丞再疏歸地
丁過亂殷憂釋守土梁益接壤錯犬牙憂樂相關治同譜
希文持節蜀山重聲色不動安甌鋺綿利巴渝星碁布突

將低首奉營主枳棘不逞饑鷹威膠庠羞作鷓鴣舞使者
 承流宣德意哦詩矜采芻蕘語尊主勤民展懷抱風移俗
 易豈小補十載慚愧南山長菲材竊位結雙組深山大澤
 藏龍蛇爬疏翦剔尙雄武伏莽未能絕根株罅隙補苴計
 已粗大倉鼠雀警坡公卿景西望快先覩祇今村墟飽殖
 臨口碑傳誦捷鱗羽乃知子美同耆陵濟時之言風雅祖
 自注來詩或謂之議主之將礪堂制府二十二三年川中
 頻風鶴警漢南為戒嚴制府至添巴綿廣元各營移安省
 標兵內外結然摧廉能懲貪酷風紀大肅雲汀得賢大府
 持其懷進賢人之福也漢南十一年鹽招商辦奸民與名
 唐兵等代釐大忠亟請方葆嚴中丞奏仍歸
 丁再疏為 俞允至今稱便故并及之

趙家灣感懷
自注時請將山寨兵米借給窮民

無限蒼生淚空山獨灑頻面枯嗟似鵲衣結况如鷄擁馬

訴愁苦幾家憐友鄰

皇仁周蔭屋汲黯爾何人

示修寨堡諸生

自注燈陳堅壁清野議二月抵洵四
月成寨堡五百餘座經參兵至累擒

魁巨

蛾子紛飛已數秋無衣偕子詠同仇鳴杼泊愧張京兆擊
揖心傷祖豫州到處青山成壁壘千家赤子盡貔貅保民
固境皆吾事前清應煩借箸籌

柳村勸農賦呈同行諸君

馬蹏蹏踐踏芳叢數點朱旗柳綠中撫字敢言勞長吏瘡
痍相待起哀鴻松門路滑甘霖洽麥隴香浮霽色融今日
行春一杯酒酡顏應羨到村翁

共話農書到夕曛牽來黃犢已成羣行廚未盡賓朋興立

馬聊分父老勤得歲天方開景運洗兵人願埽殘氛巖疆
千里機槍靖社鼓田歌處處聞

答楊六暉都中見憶兼簡春田竹梧笛樓雲橋白橋
麓西諸子

隴首茫茫望朝雲一天梅雨鎮懷君都亭叱馭今三載井
絡連雲尙六軍大將鷹揚歌破陣故人鴻爪恨離羣嶽雲
河樹層層隔翦燭何緣話夜分

贈善月巖

停雲家世舊登壇征虜風流古所難禁闕虎臣光太史門
牆鸞掖憶春官濤聲天漢懸帆渡山色中條立馬看不厭
載途歌雨雪采薇燕罷薦椒盤

輓白河令黃補堂殉節三首

金州城畔別蒼茫一夜秋風賦國殤

自注前數日余佑補堂同赴興安

續亦眉成底事沙蟲猿鶴劇心傷

自注時賊匪大局底定補堂同死尚有義僕鄉

自來守令

朝廷重如此臣獨史冊光憶話前因真不

負果然忠義事堂堂

自注補堂於林爽文叛時起義先期夢放忠義榜已名首列

作更山城縮壁符揮刀慷慨死前驅輸他世上文官樣成

雨人間烈丈夫

自注補堂帕首韓刀見者都稱為副爺

怒激神靈轟霹靂

急發大雷一聲

哀生風雨祭頭顱自注歿後數日某擒獲首夥各犯奉文解

級心肝眼前颯爽英姿狂不共悲歌碎唾壺

麟閣雲臺意氣多出師未捷怨如何其傳虞詡能增竈誰

料王堪竟伏戈

自注死事先一二日均得接勝仗

未了英雄悲父老

自注補堂

在自河有惠政原籍廣有靈魂魄壯山河大招泣續離騷
東嘉應州遺孤甫六齡自注江西運員陸遠亭

句耿耿丹心定不磨

自注江西運員陸遠亭

防江示洵州弟子

蒼頭一旅埽殘氛驅馬荒村趁夕曛長吏自來稱守土書

生底事說能軍春江紅幟嚴分陣

自注時令洵州弟子諸生王德林劉輯謝璠與

何自立等寒夜青鐙罷論文卻憶故園風月裏幾人西望

張離羣

防農小隊到郊坰攬轡聊爲問字停君子一軍能破敵粗

官三載尚談經

自注洵州擒陳朝官張添倫各賊首王訓諸生團練省截之力爲多當年

蓮僧托樣此日瘡痍愧鵠形

自注辛酉歲有年壬戌癸亥復連歲旱潦大兵繼以荒年

民爲抗塢柳塘春澹蕩何時重問草元亭

口占勸農二首

幾年中谷慨流離火種刀耕趁此時莫漫荒涼推瘠薄當

知腐臭即神奇麥場曾歎盤蝸舍自注去年苦旱麥場生芽菜色無忘

煮樹皮白注連年疫亂民食樹皮餓弱朝朝謀一飽民生要記在勤辭

終南山色霽光融父老迎春喜氣同自注立春日晴農占爲有年政簡

都能安吏拙時艱倍要望年豐已瞻亭障烽煙靖更願郊

原麥黍荒帝念潢池皆赤子賣刀從此反淳風

呈西安賽將軍時營定遠郭外

葱龍佳氣遍秦川薄伐王師脫劍年餘祿一朝清鼠穴

捷書連日奏甘泉羣公能答昇平望天子深知將帥賢

元老丹心還更苦巖疆都願變桑田

上將勲猷重紫光鸞弧手自落天狼十年百戰輕鋒鏑萬
戶三邊樂井疆仙鶴丰神裴晉國祥麟心事郭汾陽連營
軍令分明甚不見樵蘇到圃場

和雨峯瑞麥圖之作

秦山之尾蜀山頭膏沃中間漢沔流害馬敢寬銜轡力哀
鴻要切稻梁謀轉輸巴蜀思田叔疏鑿山河話鄴侯今日
滿篝歌大有醅顏一笑對平疇

送鶴文總戎入朝

十年從事亞夫營大樹將軍舊有名自古奇功多世將幾
人折節似儒生馬盤天半飛蛇路箭聽秋空落雁聲報

國祇今年正盛戟門未許晉霞觥

自注總戎懸弧之吉戟門深閉僚屬不得登堂

祝雨

沅城雜詠

天開一綫潭雲閒萬頃平蕪曉翠環風澹柳溪迴綠縠煙
澄松塢擁青巖揚舫估客通三楚騎象羹人貢百蠻名郡
股肱今古重牂牁南去盡巉巖

貞臣壁立障狂瀾僕寺何心薄冷官自信主恩憐讜直誰
知黨禍痛衣冠千秋蘋藻荒原裏一徑松楸暮靄端悵望
雄山吟嘯處古琴能得幾人彈

自注雄山相傳爲
滿太僕讀書處

落盡楊花喚杜鵑龍標愁緒寫蠻天青芙蓉樓上招秋月赤
寶山頭漲曉煙勝地林巒今入畫詩人毛骨久成仙我來

懷古增惆悵殘照西風噪暮蟬

自注郡屬黔陽古龍
標地王昌齡所謫也

秋菊

錦畦誰復駕青油
柳老花殘不稱遊
賴爾能回天地色
何人更怨風雨秋
一尊尋我陶潛樂
千首輸他杜甫愁
金谷繁華空往事
遶籬澆酒及遨頭

西風殘照度千門
搖落寒天恰爾存
也自微根同草木
獨留正色在乾坤
香凝甘谷仙人宅
春隱樊川處士村
豈願孤芳成的鑠
秋林無奈曉霜繁

嶺南呈繹堂總制

五羊城畔瑞光浮
與命重申駐碧油
柱石兩朝繩祖武
風雲八陣靖邊愁
大儒勲業王新建
良相丰裁宋廣州
慙愧參軍只語也
從珠海繫蘭舟

戈船橫海舊登壇
幕府相依尚素冠
丞相舍人容魏勃
將軍門客愧任安
曾憐誓墓情懷切
敢憚從戎道路難
銅柱卽看銘越秀
蒲帆曾許挂湘灘

始興道中感懷子壽相公時繹堂總制奉太夫人北旋

偶向情場話舊因
風懷付與後來身
傾危何代無時局
排側於公見古人
靈雨送迴千里棹
好山添出十分春
馬前灼灼梅花放
領取清香奉彩輪

偶興示陳曼生馬東園

年來鞅掌作勞人
酒榼詩筒負好春
花鳥多從忙裏過
風光空向客中新
海天鯨鱷關心劇
秦地瘡痍入夢頻
差喜

仙蹤偕郭李木蘭舟泛碧鱗鱗

懷李二內翰

烽火連年迫上庸
輝刀幾隊健兒從
田單只計宗能保
李廣何妨相不封
虎穴揮戈餘慷慨
鳳池簪筆鎮雍容
笑余介內慙文吏
華燭清樽接子丰

按內翰名昌平新化人以竹山籍應試成進士教
誨後郡陽曾倡義團練并上平教匪三策為時相
所知今吾邑人以出籍昇之
并方志不存其名亦已甚矣